

Sarajevo, 17-04-2025

Broj: 01-04-4-133 42-4

Na osnovu člana 70. Zakona o javnim nabavkama („Službeni glasnik BiH”, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 10-33-4-13312-3 od 16.04.2025.godine, V.D. Generalnog direktora donosi:

ODLUKU

o izboru najpovoljnijeg ponuđača za
„Nabavku, isporuku i ugradnju rashladne komore u Centralnoj kuhinji”

I

Prihvata se prijedlog Komisije za javnu nabavku, **Izvještaj broj 10-33-4-13312-3 od 16.04.2025.godine**, za postupak **„Nabavke, isporuke i ugradnje rashladne komore u Centralnoj kuhinji”**, nakon provedenog konkurentskog zahtjeva sa Obavještenjem o nabavci broj 893-7-1-111-3-471/25 od 25.03.2025.godine, da se donese Odluka o izboru najpovoljnijeg ponuđača i **ugovor onabavci** dodjeli ponuđaču **A PLUS d.o.o. Sarajevo**, u iznosu **od 20.000,00 KM bez PDV-a**, a sve prema dostavljenoj ponudi, broj 268/25 od 11.04.2025.godine (KCUS broj 10-11-3-13087 od 09.04.2025.godine), odnosno prema jediničnim cijenama iz ponude.

Osnovni elementi ugovora:

- Ukupna vrijednost ugovora: **20.000,00 KM bez PDV-a + PDV 3.400,00 KM = 23.400,00 KM sa PDV-om;**
- Cijene su nepromjenjive za cijeli ugovoreni period do okončanja ugovorenih obaveza;
- Plaćanje ugovorenih obaveza vršit će se odgođeno u roku **60 dana od dana isporuke, ugradnje i puštanja u rad, nakon potpisivanja Zapisnika o primopredaji opreme i ispostavljanja fakture;**
- Rok za isporuku, ugradnju i puštanje u rad opreme je **30 (trideset) dana** od dana obostranog potpisivanja Ugovora i prijema narudžbenice izdate od strane ugovornog organa;
- Garantni period za isporučenu opremu teče od dana obostranog potpisivanja Zapisnika o prijemu opreme i to u trajanju od **60 (šezdeset) mjeseci**, a u vrijeme trajanja garancije dobavljač je dužan da se odazove na službeni poziv najduže u roku od 24 sata na servisnu intervenciju;

II

Izabrani ponuđač **A PLUS d.o.o. Sarajevo**, sa sjedištem u ulici Džemala Bijedića 279L., 71 000 Sarajevo, je dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH”, broj 39/14, 59/22 i 50/24), te iste nije u obavezi ponovno dostavljati.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

OBRAZLOŽENJE

U skladu sa Odlukom o pokretanju postupka javne nabavke broj 73-11-3-9068-1 od 10.03.2025.godine, pokrenut je postupak za **„Nabavku, isporuku i ugradnju rashladne komore u Centralnoj kuhinji”**. Procijenjena vrijednost nabavke iznosi **20.000,00 KM bez uračunatog PDV-a**, a sredstava su planirana Planom javnih nabavki za 2025.godinu, pod klasifikacijom **Robe, redni broj 189**. (Odluka o usvajanju Plana JN KCUS-a za 2025.godinu, broj protokola 65-04-2-3674 od 29.01.2025.godine).

Predviđeno je zaključivanje jednokratnog ugovora do okončanja ugovorenih obaveza, a uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu akta Sektora za finansijsko, knjigovodstvene i planske poslove br. 56-11-3-5515 od 12.02.2025.godine). Za navedeni postupak nabavke je također predviđeno provođenje e-aukcije.

Prema tenderskoj dokumentaciji predmet nabavke je „Nabavka, isporuka i ugradnja rashladne komore u Centralnoj kuhinji”. Kriterij vrednovanja ponuda je najniža cijena. Na osnovu obavještenja objavljenog na portalu e-nabavke pod brojem 893-7-1-111-3-471/25 od 25.03.2025.godine, tendersku dokumentaciju za postupak javne nabavke preuzelo je 15 (petnaest) potencijalnih ponuđača, a do 11.04.2025.godine do 09:30 sati na Protokol KCUS-a blagovremeno su dostavljene 2 (dvije) ponude što je evidentirano i Zapisnikom o zaprimanju ponuda 10-33-4-13312 od 11.04.2025.godine:

Red. broj ponude	Naziv ponuđača	Broj i datum ponude	KCUS broj, datum i vrijeme prispjeća ponude	Zbir jediničnih cijena bez PDV-a (KM)
1.	A PLUS d.o.o. Sarajevo	268/25 od 11.04.2025.godine	10-11-3-13087 od 09.04.2025.godine u 14:20 sati	20.000,00
2.	SISTEM-FRIGO d.o.o. Kiseljak	120/25 od 10.04.2025.godine	10-11-3-13154 od 10.04.2025.godine u 11:05 sati	19.050,00

[Handwritten signature]

Analiza dostavljene ponude

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom broj 73-04-4-12634 od 07.04.2025.godine, je detaljnom analizom dostavljene dokumentacije za predmetni postupak nabavke, Zapisnikom o pregledu 10-33-4-13312-2 od 16.04.2025.godine, donijela slijedeće zaključke:

- **Ponuda ponuđača SISTEM-FRIGO d.o.o. Kiseljak, ne uzima se u dalje razmatranje i ista je ocjenjena kao NEPRAVILNA** iz slijedećih razloga:
- Imenovani ponuđač je dostavio ponudu za predmetni postupak nabavke koja nije u cjelosti dostavljena u skladu sa zahtjevima ugovornog organa, iako je ugovorni organ između ostalog jasno i nedvosmisleno naveo u sklopu tenderske dokumentacije „tačka 3. Sadržaj ponude pod Napomena da: Neprilaganje bilo kojeg dokaza i/ili izjave diskvalifikuje ponuđača“
- Naime, ugovorni organ je tenderskom dokumentacijom u dijelu - tehnička i profesionalna sposobnost, podtačka p) tražio „p)Izjavu da će se u vrijeme trajanja garancije osigurati dostupnost servisa u roku od maksimalno 24 (dvadesetčetiri) sata od službenog poziva na servisnu intervenciju,“ koju ponuđač nije dostavio, a što se tiče zahtjeva ugovornog organa također u dijelu dijelu - tehnička i profesionalna sposobnost, podtačka o) koja glasi: o)Izjavu da će garantni period za isporučenu opremu biti minimalno 60 (šezdeset) mjeseci od dana potpisivanja Zapisnika o primopredaji, te da će u navedenom periodu objezbjediti originalne rezervne dijelove ili zamjenske rezervne dijelove od proizvođača uređaja;, Komisija je utvrdila da je imenovani ponuđač dostavio **izmjenjenu izjavu za ovaj zahtjev** na način da je umjesto traženih **60 (šezdeset) mjeseci** garantnog roka za opremu upisao u izjavi 24 (dvadeset i četiri) mjeseca. Osim navedene izjave imenovani ponuđač je zahtjev ugovornog organa za garancijom od 60 (šezdeset) mjeseci izmijenio/prepravio i u Aneksu 3 - Tehničkoj specifikaciji kao i u Aneksu 4. - Nacrtu ugovora, što u konačnici znači da je imenovani ponuđač mijenjao tendersku dokumentaciju, odnosno zahtjeve iz iste.
- Obzirom na naprijed navedeno Komisija je jednoglasno donijela zaključak da se **ponuda ponuđača SISTEM-FRIGO d.o.o. Kiseljak ocjeni kao NEPRAVILNA i da ista ne može učestvovati u daljem toku natjecanja.**
- Ponuda ponuđača A PLUS d.o.o. Sarajevo, ispunjava uslove definisane tenderskom dokumentacijom, odnosno ispunjava formalno-pravne i tehničke zahtjeve, te stoga može učestvovati u daljem toku natjecanja

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, (Službeni glasnik BiH br. 80/23) član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, Komisija predlaže da se za „**Nabavku, isporuku i ugradnju rashladne komore u Centralnoj kuhinji**“ postupak okonča u skladu sa članom 69. 1) a) ZJN (Sl.glasnik BiH br. 39/14, 59/22 i 50/24).

Obzirom da je u navedenom postupku nabavke zadovoljena transparentnost, Komisija je jednoglasno dala prijedlog Ugovornom organu putem **Izvještaja broj 10-33-4-13312-3 od 16.04.2025.godine**, da se nakon provedenog konkurentskog zahtjeva sa Obavještenjem o nabavci broj 893-7-1-111-3-471/25 od 25.03.2025.godine za „**Nabavku, isporuku i ugradnju rashladne komore u Centralnoj kuhinji**“ donese Odluka o izboru najpovoljnijeg ponuđača i **ugovor onabavci** dodjeli ponuđaču **A PLUS d.o.o. Sarajevo**, u iznosu **od 20.000,00 KM bez PDV-a**, a sve prema dostavljenoj ponudi, broj 268/25 od 11.04.2025.godine (KCUS broj 10-11-3-13087 od 09.04.2025.godine), odnosno prema jediničnim cijenama iz ponude.

Prijedlog Komisije je prihvaćen i donijeta je odluka kao u dispozitivu.

**V.D. GENERALNOG DIREKTORA KCUS-a**
Prof.dr Hajrija Maksić

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri, te u skladu sa izmjenama i dopunama Zakona o javnim nabavkama, („Službeni glasnik BIH“, br. 50/24), Žalitelj je obavezan dostaviti validan dokaz o plaćenju naknadi za pokretanje žalbenog postupka

Dostaviti:

- Ponuđačima
- Služba za javne nabavke
- a/a KCUS